



賽馬會街頭音樂系列 自己人撐自己人 香港本土原創歌曲

新活時報MISS SUNNY on November 25, 2016 at 8:37 pm

(Presented by Art Centre)

我雖然唔太精玩樂器，但對音樂文化都係好鍾情嘅，一見到關於音樂嘅活動，只要得閒就一定會去支持！今次想同大家介紹嘅賽馬會街頭音樂系列——音樂製作計劃，意義在於幫本地年輕人圓音樂夢，從今年開始幫助學員錄製原創歌曲！前排聯文化中心仲舉行咗個「DREAM BIG PLAY LOUD新曲發佈音樂會」分享作品！



【香港藝術中心】同【獨立音樂工作室】合辦嘅賽馬會街頭音樂系列得到【香港賽馬會慈善信託基金】資助，推出今次嘅音樂製作計劃。平時呢個系列會舉辦由專業音樂人教授嘅音樂工作坊，而今次音樂會表演嘅三個單位正正係音樂工作坊嘅學員，向觀眾展示佢哋嘅創作成果喇！

三組音樂工作坊嘅年青音樂人包括獨立搖滾樂隊DFG，結合多種樂曲風格嘅樂隊范克廉望連續同提創作歌手 Esther，一齊認識吓佢哋先！

DFG



當晚精彩表演

廣告



人氣搜尋文章

貴婦品味！香港名店7大 熱朱古力大比拼 |FOOD BATTLE|
新假期 - 飲食, November 24, 2016

全球獨家!!「出前一丁」工作坊一日清晨覽館登陸香港! |機場好去處|
新假期 - 飲食, November 23, 2016

終於有方法！5分鐘輕鬆自訂 iPhone 鈴聲 攻略
新假期 - 生活, November 25, 2016

<http://www.weekendhk.com/lifestyle/%E8%B3%BD%E9%A6%AC%E6%9C%83%E8%A1%97%E9%A0%AD%E9%9F%B3%E6%A8%82%E7%B3%BB%E5%88%97-%E8%87%AA%E5%B7%B1%E4%BA%BA%E6%92%90%E8%87%AA%E5%B7%B1%E4%BA%BA-%E9%A6%99%E6%B8%AF%E6%9C%AC%E5%9C%9F/4/>



主音/結他手Samson、鼓手Shanda、低音結他手Danny (由左至右)

DFG主音兼結他手Samson自2014年開始參加賽馬會街頭音樂系列嘅音樂工作坊，係第一批參與音樂工作坊嘅學員，佢跟過專業音樂人本地知名創作歌手黃清同英國音樂人Tommy Antonio學師。之後Samson跟志同道合朋友組成樂隊DFG，創作涉獵多種音樂類型，更喺賽馬會街頭音樂系列協助下，推出原創歌曲《You Are Poisonous》。

《You Are Poisonous》MV：<https://youtu.be/VOr1rTPIEk>

范克廉望遠鏡Franklin Telescope



當晚精彩表演



低音結他手Kuro、主音/結他手Kenneth、鼓手Wilson、琴手Kingston、結他手Yin (由左至右)

一聽隊名就知佢哋特別喇！范克廉望遠鏡起初受多元曲風類型樂隊啟發而組隊，其後專攻放克 (Funk)、爵士 (Jazz) 同騷靈 (Soul) 類型音樂，成軍至今已兩年多，都有唔少作品。佢地有本港樂隊Stranded Whale嘅結他手Tomii Chan作為錄音指導，成員Kuro更加跟低音結他手Koya Hisakazu學師，深造音樂技巧。

<http://www.weekendhk.com/lifestyle/%E8%B3%BD%E9%A6%AC%E6%9C%83%E8%A1%97%E9%A0%AD%E9%9F%B3%E6%A8%82%E7%B3%BB%E5%88%97-%E8%87%AA%E5%B7%B1%E4%BA%BA%E6%92%90%E8%87%AA%E5%B7%B1%E4%BA%BA-%E9%A6%99%E6%B8%AF%E6%9C%AC%E5%9C%9F/4/>

Esther



當晚精彩表演



17歲嘅Esther年紀輕輕已經演出經驗豐富，小至酒吧演唱，大至Clockenflap都會見到佢。更勁嘅係Esther一手包辦作曲填詞，真係唔講得笑！Esther今次透過賽馬會街頭音樂系列推出原創情歌《我在等一個人和我浪費時間》，特意重新編曲，以古典中國風歌詞混搭電子音樂，超特別！

《我在等一個人和我浪費時間》MV：<https://youtu.be/ml2JSTIFQRI>

鍾意音樂嘅朋友不妨睇吓DFG嘅訪問，了解更多賽馬會街頭音樂系列同DFG嘅音樂歷程啦。

DFG訪問：<http://youtu.be/6n17WEs2I7Y>

想睇埋其他MV同訪問？記得留意Facebook，入面仲有更多《賽馬會街頭音樂系列》音樂工作坊嘅資料嘍！

Facebook：<https://www.facebook.com/HKStreetMusic/>